

Galicia Encantada



ANIVERSARIO
2005 * 2025
Enciclopedia de Fantasia Popular de Galicia

Ritos, obxectos, crenzas varias..

CATEGORÍAS RELACIONADAS

Micromitos 004: A hora do solpor

Onde está a lagoa do Carregal, en Ribeira, había unha cidade chamada Malverde. Era urbe de mouros, fachendosa e rica ata que Carlomagno, Oliveiros, Roldán e os Doce Pares de Francia retaron aos seus habitantes a vida ou morte.

Comezou a batalla de mañá cedo e cando xa estaba a piques de anoitecer só quedaban uns poucos mouros por dobregar. Di a lenda que Roldán, que non gustaba de deixar o choio a medias, fixo subir o seu cabalo a unha peneda (quedou a pegada da ferradura en proba) e pediulle ao ceo unha hora máis de luz para rematar a batalla.

Foille concedido un tempo de luz sen raios de sol que lle abondou para liquidar os poucos mouros que quedaban vivos e asolagar para sempre, baixo a as augas do Carregal, a antiga Malverde.

A lenda está inspirada no poema épico La Chanson de Roland (s. XI) coa variante de que alí o sol detense milagrosamente para Carlomagno "Car le soleil s'est arrêté, immobile, dans le ciel".

Agora xa saben como naceu a hora do solpor, ese tempo extra de luz que vai desde a posta do sol á noite pecha.

Locución audio: [Rocío Romero Otero](#)

Your browser does not support the audio element.